

AUR
PUR

Yn y dechreuad yr oedd
y Gair,
a'r Gair oedd gyda Duw,
a Duw oedd y Gair.

S. Ioan 1:1

Ynndo ef yr oedd bywyd;
a'r bywyd oedd
oleuni dynion.

S. Ioan 1:4

Goleuni'r byd ydwyf fi:
yr hwn a'm dilyno i,
ni rodia mewn tywyllwch,
eithr efe a gaiff
oleuni'r bywyd.
S. Ioan 8:12

Yr Iesu a ddywedodd
wrtho ef, Myfi yw'r ffordd,
a'r gwirionedd, a'r bywyd:
nid yw neb yn dyfod
at y Tad, ond trwof fi.
S. Ioan 14:6

Od oes ar neb syched,
deued ataf fi, ac yfed.
Yr hwn sydd
yn credu ynof fi,
megis y dywedodd
yr ysgrythur,
afonydd o ddwfr bywiol
a ddylifant o'i groth ef.

S. Ioan 7:37, 38

Ond efe a archollwyd
am ein camweddau ni,
efe a ddrylliwyd
am ein hanwireddau ni:
cosbedigaeth
ein heddwch ni
oedd arno ef:
a thrwy ei gleisiau ef
yr iachawyd ni.

Eseia 53:5

Wele, yr wyf yn sefyll
wrth y drws, ac yn curo:
os clyw neb fy llais i,
ac agoryd y drws,
mi a ddeuaf
i mewn ato ef,
ac a swperaf gydag ef.
Datguddiad 3:20

Ar fod Crist
yn trigo trwy ffydd
yn eich calonnau chwi.

Effesiaid 3:17

Yn wir, yn wir,
meddaf i chwi,
Y neb sydd yn gwrando
fy ngair i,
ac yn credu
i'r hwn a'm hanfonodd i,
a gaiff fywyd tragwyddol,
ac ni ddaw i farn;
eithr efe a aeth trwodd
o farwolaeth i fywyd.

S. Ioan 5:24

Canys felly
y carodd Duw y byd
fel y rhoddodd efe
ei unig-anedig Fab,
fel na choller
pwy bynnag a greddo
ynddo ef,
ond caffael ohono
fywyd tragwyddol.

S. Ioan 3:16

Deuwch ataf fi
bawb a'r y sydd
yn flinderog
ac yn llwythog,
a mi a esmwythâf arnoch.
Canys fy iau
sydd esmwyth,
a'm baich
sydd ysgafn.

S. Mathew 11:28, 30

Canys cyflog pechod
yw marwolaeth;
eithr dawn Duw
yw bywyd tragwyddol,
trwy Iesu Grist
ein Harglwydd.

Rhufeiniaid 6:23

O Dduw, bydd drugarog
wrthyf bechadur.

S. Luc 18:13

Nid oes gan hynny yn awr
ddim damnedigaeth
i'r rhai
sydd yng Nghrist Iesu.
Rhufeiniaid 8:1

Eithr y pethau hyn a
ysgrifennwyd,
fel y credoch chi
mai yr Iesu yw Crist,
Mab Duw; a chan gredu,
y caffoch fywyd
yn ei enw ef.
S. Iwan 20:31

Llawenhewch ...
am fod eich enwau
yn ysgrifenedig
yn y nefoedd.
S. Luc 10:20

Am hynny, gan ein bod
wedi ein cyfiawnhau
trwy ffydd,
y mae gennym heddwch
tuag at Dduw, trwy ein
Harglwydd Iesu Grist.

Rhufeiniaid 5:1

Deuwch;
cynys weithian y mae
pob peth yn barod.

S. Luc 14:17

Beth sydd raid i mi
ei wneuthur,
fel y byddwyf gadwedig?
...Cred yn yr Arglwydd
lesu Grist, a chadwedig
fyddi, ti a'th deulu.

Yr Actau 16:30, 31

Derbyn pawb a greddo
ynddo ef
faddeuant pechodau
trwy ei enw ef.

Yr Actau 10:43

Yr hwn a draddodwyd
dros ein pechodau ni,
ac a gyfodwyd
i'n cyfiawnhau ni.

Rhufeiniaid 4:25

Ond cynifer
ag a'i derbyniasant ef,
efe a roddes iddynt allu
i fod yn feibion i Dduw,
sef i'r sawl a gredant
yn ei enw ef.

S. Ioan 1:12

Edifarhewch gan hynny,
a dychwelwch, fel
y dilëer eich pechodau.

Yr Actau 3:19

A'r hwn a ddêl ataf fi,
nis bwriaf ef allan ddim.

S. Ioan 6:37

Canys Mab y dyn
a ddaeth i geisio
ac i gadw
yr hyn a gollasid.

S. Luc 19:10

Claddwyd ni gan hynny
gydag ef trwy
fedydd i farwolaeth:
fel megis ag
y cyfodwyd Crist
o feirw trwy
ogoniant y Tad,
felly y rhodiom
ninnau hefyd
mewn newydd-deb
bucedd.

Rhufeiniaid 6:4

Ac wele, yr ydwyf fi
gyda chwi bob amser
hyd ddiwedd y byd.

S. Mathew 28:20

Llewyrched felly eich
goleuni gerbron dynion,
fel y gwelont eich
gweithredoedd da chwi,
ac y gogoneddont
eich Tad yr hwn sydd
yn y nefoedd.
S. Mathew 5:16

Y mae fy nefaid i
yn gwrando fy llais i;
a mi a'u hadwaen hwynt,
a hwy a'm canlynant i:
A minnau ydwyf
yn rhoddi iddynt
fywyd tragwyddol;
ac ni chyfrgollant byth,
ac ni ddwg neb hwynt
allan o'm llaw i.

S. Ioan 10:27,28

Crist yntau
a ddioddefodd drosom ni,
gan adael i ni esampl,
fel y canlynech ei ôl ef.

1 Pedr 2:21

Ymdrecha
hardd-deg ymdrech
y ffydd.

1 Timotheus 6:12

Canys trwy ras yr ydych
yn gadwedig, trwy ffydd;
a hynny nid ohonoch eich
hunain: rhodd Duw ydyw:
Nid o weithredoedd,
fel nad ymffrostiai neb.

Effesiaid 2:8, 9

Ac i Dduw
y byddo'r diolch
am ei ddawn anhraethol.

2 Corinthiaid 9:15

Eithr os rhodiwn
yn y goleuni,
megis y mae efe
yn y goleuni,
y mae i ni
gymdeithas â'n gilydd,
a gwaed
Iesu Grist ei Fab ef,
sydd yn ein glanhau ni
oddi wrth bob pechod.

1 Ioan 1:7

A chariad tragwyddol
y'th gerais:
am hynny
tynnais di â thrugaredd.

Jeremeia 31:3

Nac ofna;
canys yr ydwyf fi
gyda thi.

Eseia 41:10

Yr wyf fi yn myned
i baratoi lle i chwi.
Ac os myfi a af,
ac a baratoaf le i chwi,
mi a ddeuaf drachefn,
ac a'ch cymeraf chwi
ataf fy hun;
fel lle yr wyf fi,
y byddoch
chwithau hefyd.

S. Ioan 14:2, 3

Gwywa y gwelltyn,
syrth y blodeuyn;
ond gair ein DUW ni
a saif byth.

Eseia 40:8

Y nef a'r ddaear
a ânt heibio;
ond fy ngeiriau i
nid ânt heibio ddim.

S. Luc 21:33

Beth bynnag oll a
geisioch wrth weddïo
credwch y derbyniwch,
ac fe fydd i chwi.

S. Marc 11:24

Rhodiwch yn yr Ysbryd,
ac na chyflawnwch
drachwant y cnawd.

Galatiaid 5:16

Ac na thristewch
Lân Ysbryd Duw.

Effesiaid 4:30

Canys pwy bynnag
fyddo cywilydd ganddo fi
a'm geiriau,
hwnnw fydd gywilydd
gan Fab y dyn,
pan ddelo yn ei ogoniant
ei hun,
a'r Tad,
a'r angylion sanctaidd.

S. Luc 9:26

Oblegid yr Arglwydd ei
hun a ddisgyn o'r nef
gyda bloedd ...a'r meirw
yng Nghrist a gyfodant yn
gyntaf: Yna ninnau'r rhai
byw, y rhai a adawyd, a
gipir i fyny gyda hwynt yn
y cymylau, i gyfarfod â'r
Arglwydd yn yr awyr:
ac felly y byddwn
yn wastadol
gyda'r Arglwydd.

1 Thesalonïaid 4:16, 17

Ac mi a welais
nef newydd,
a daear newydd ...
Ac fe sych Duw ymaith
bob deigr oddi wrth
eu llygaid hwynt;
a marwolaeth
ni bydd mwyach,
na thristwch, na llefain,
na phoen ni bydd
mwyach: oblegid y pethau
cyntaf a aeth heibio.

Datguddiad 21:1, 4

Ac wele, yr wyf yn dyfod
ar frys;
A'r hwn
sydd â syched arno,
deued.
A'r hwn sydd
yn ewyllysio,
cymered ddwfr y bywyd
yn rhad.
Amen.
Yn wir, tyred,
Arglwydd Iesu.

Datguddiad 22:12, 17, 20

Darllenwch y Beibl, y mae yn air Duw. Gwrandewch ar lais yr Arglwydd. Y mae'r Duw dyrchafedig a byw yn meddwl amdano. Y mae eisiau i chi wybod ei gariad heddiw. Mae ei air yn rhoi gwybodaeth anffaeledig am y ffordd i wir lawenydd a thangnefedd. Os hoffech Destament Newydd fe allwn ddanfoni gopi i chi yn rhad ac am ddim. Os oes gennych gwestiwn – fe fyddwn ni wrth ein bodd yn ceisio ei ateb.

Darllenwch y Beibl, Gair Duw yw. Gwrandewch ar lais yr Arglwydd. Mae gofal amdanoch gan y Duw bywiol a dyrchafedig. Y mae eisiau i chi wybod am ei gariad heddiw. Mae ei air yn rhoi gwybodaeth anffaeledig i chi am y ffordd i wir lawenydd a thangnefedd. Os hoffech Destament Newydd fe allwn ddanfod copi i chi yn rhad ac am ddim. Os oes gennych gwestiwn – fe wnawn ni ein gorau glas i'w ateb.

- Please send me a New Testament (I do not own one)
 I would like to follow a Bible Correspondence Course
If under 16 please give date of birth __ / __ / __

Name _____

Address _____

BIBLE DISTRIBUTORS –

Fountain House, Conduit Mews, London, SE18 7AP UK

✂-----

Rhodd oddi wrth:
Bible Distributors
Fountain House
Conduit Mews,
London, SE18 7AP
Croeso i Deulu Duw
© 2005 Chapter Two, London

Y Beibl Cysegr-lân: sef yr Hen
Destament a'r Newydd.
Llundain: Cymdeithas Feiblaidd
y Trindodwyr, 1992.
© BFBS 1992

Dyfyniadau Cymraeg o
gyfieithiad *William Morgan*.
Cymraeg – Welsh